



Broj: 05.09/2-45-1008/26
Sarajevo, 26.02.2026.godine

Na osnovu člana 24. Uredbe o održavanju i upravljanju sistemom javne rasvjete Kantona Sarajevo ("Službene novine Kantona Sarajevo", broj: 51/25), Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, raspisuje:

JAVNI POZIV

za dodjelu prava korištenja stubova javne rasvjete na području Kantona Sarajevo za postavljanje reklamnih panoa na općinama Stari Grad Sarajevo, Centar Sarajevo, Novo Sarajevo, Ilidža, Vogošća, Hadžići, Trnovo i Ilijaš

1. PREDMET JAVNOG POZIVA

Predmet javnog poziva je dodjela prava korištenja stubova javne rasvjete na području Kantona Sarajevo za postavljanje reklamnih panoa, a u skladu sa Elaboratom "Reklamni panoi na stubovima javne rasvjete na području Kantona Sarajevo (Izmjene i dopune)" Septembar 2021. godine, na period od tri godine od dana obostarnog potpisivanja ugovora.

Naknada za korištenje se plaća od dana sklapanja ugovora o korištenju stubova javne rasvjete za postavljanje reklamnih panoa, a ugovoreni iznos se plaća unaprijed u šest jednaka dijela i to u roku od 10 dana od obostranog potpisivanja ugovora I dio, II dio iznosa po isteku šestog mjeseca od zaključenja ugovora, III dio iznosa po isteku dvanaestog mjeseca od zaključenja ugovora, IV dio iznosa po isteku osamnaestog mjeseca od zaključenja ugovora, V dio iznosa po isteku dvadeset i četvrtog mjeseca od zaključenja ugovora i VI dio iznosa po isteku tridesetog mjeseca od zaključenja ugovora.

Početna cijena po jednom reklamnom mjestu na stubu javne rasvjete na slijedećim lokacijama je:

1.) Općina Stari Grad Sarajevo, 91 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 20,00 KM;

- 2.) Općina Centar Sarajevo, 127 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 20,00 KM;
- 3.) Općina Novo Sarajevo, 124 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 20,00 KM;
- 4.) Općina Ilidža, 97 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 15,00 KM;
- 5.) Općina Vogošća, 18 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 10,00 KM;
- 6.) Općina Hadžići, 14 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 10,00 KM;
- 7.) Općina Trnovo, 27 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 15,00 KM;
- 8.) Općina Ilijaš, 18 pozicija za postavljanje reklamnih panoa na stubovima javne rasvjete, sa početnom cijenom po reklamnoj poziciji na stubu na mjesečnom nivou u iznosu od 10,00 KM;

2. PRAVO UČEŠĆA

Pravo učešća imaju sva pravna i fizička lica koja su registrovana na području Bosne i Hercegovine za obavljanje djelatnosti reklamiranja i oglašavanja, koje su ispunile sve porezne i ostale obaveze, kao i redovno izmirene finansijske obaveze prema Kantonu Sarajevo.

Ponude ponuđača i povezanih lica sa istima koji nisu ispunili sve porezne i ostale obaveze i ukoliko imaju dugovanje prema Kantonu Sarajevo po osnovu ranijih ugovora o korištenju stubova javne rasvjete za postavljanje reklamnih panoa, neće se uzeti u razmatranje.

3. SADRŽAJ PONUDE

Ponuda obavezno treba da sadrži:

- 3.1 izjava o ponuđenoj cijeni od strane ponuđača opečaćena i potpisana od strane odgovornog lica,
- 3.2 dokaz da je podnositelj registrovan za djelatnost reklamnog oglašavanja (original ili ovjerena kopija izvoda iz sudskog registra ili drugog organa nadležnog za registraciju, ne starije od šest mjeseci od dana objave javnog poziva),
- 3.3 potvrdu o izmirenim poreznim obavezama (direktni i indirektni porezi) u originalu ili ovjerenoj kopiji, uvjerenje nadležnog poreznog organa ne starije od tri mjeseca od dana objave javnog poziva. U slučaju da ponuđač nije PDV obveznik, isto potvrđuje ovjerenom izjavom odgovornog lica,



- 3.4 potvrda Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo da ponuđač i povezana lica sa ponuđačem, koji su prethodno imali ugovore o korištenju stubova javne rasvjete za postavljanje reklamnog panoa, nemaju dospelih, a neizmirenih potraživanja (zaključno sa 01.02.2026.godine),
- 3.5 ponuđači koji budu imali najpovoljnije ponude odnosno sa kojim će se zaključiti ugovor su dužni u roku od 10 (deset) dana od potpisa ugovora dostaviti bezuslovnu bankovnu garanciju u iznosu kvartalne naknade za korištenje reklamnih panoa uvećanu za troškove uklanjanja reklamnih panoa po zvaničnom cjenovniku Izvođača.
- U slučaju da ponuđač ne dostavi bankovnu garanciju zaključeni ugovor će se smatrati apsolutno ništavim, a slijedeći najbolje rangirani ponuđač će se izabrati kao najpovoljniji.

Ukoliko ponuđač dostavlja ponude za više općina, dokumentaciju o ispunjavanju općih uslova iz tački 3.2, 3.3 i 3.4 Javnog poziva, može dostaviti u jednoj koverti (original i kopija).

Ponuda ne može sadržavati alternativne opcije niti se mogu podnositi.

Ponude uz koje budu dostavljene alternativne ponude, ponude koje budu sadržavale alternativne opcije, neblagovremene ponude, kao i ponude uz koje ne budu priloženi traženi dokazi, neće se razmatrati.

4. KRITERIJI ZA ODABIR NAJPOVOLJNIJE PONUDE

Kriterij za odabir najpovoljnije ponude je pored ispunjenih uslova iz tačke 3.ovog Javnog poziva, najviši ponuđeni mjesečni iznos po poziciji za postavljanje reklamnog panoa na stubu javne rasvjete na području jedne općine, odnosno najviši ponuđeni ukupni iznos za sve ponuđene pozicije za postavljanje reklamnih panoa na stubovima javne rasvjete po jednoj općini iz tačke 1. ovog Javnog poziva.

Ukoliko dva ili više ponuđača imaju isti ponuđeni iznos (pored ispunjenih uslova iz tačke 3.ovog Javnog poziva), dužni su dostaviti nove ponude u roku od 5 dana od dana otvaranja ponuda sa novim ponuđenim cijenama, a početna cijena se uzima ona koju je predložio ponuđač u ovome Javnom pozivu na predmetnoj općini. Ukoliko i na drugom ponovljenom Javnom pozivu dva ili više ponuđača imaju isti ponuđeni iznos, Ministarstvo zadržava pravo odabira najpovoljnije ponude.

5. PREUZIMANJE DOKUMENTACIJE IZ JAVNOG POZIVA

Zainteresirani ponuđači mogu preuzeti na web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo spisak lokacija/pozicija za postavljanje reklamnih panoa na stubovima javne rasvjete po općinama koje su predmet ovoga Javnog poziva, i obrazac ponude za dodjelu prava korištenja stubova javne rasvjete za postavljanje reklamnih panoa na području općine za koje je zainteresiran ponuđač, a koja je sastavni dio ponude.

6. PODNOŠENJE PONUDA

Ponudač je dužan dostaviti jednu originalnu ponudu, koja mora sadržavati sve originalne dokumente ili od strane nadležnog organa ovjerene kopije na PROTOKOL Kantona Sarajevo – Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, ul. Reisa Džemaludina Čauševića broj 1 Sarajevo. Na koverti je potrebno posebno naznačiti: "Prijava na Javni poziv za dodjelu prava korištenja stubova javne rasvjete na području Kantona Sarajevo za postavljanje reklamnih panoa - NE OTVARATI", **do 24.03.2026 .godine do 10:00 sati.**

U razmatranje će se uzeti samo one Ponude koje stignu do navedenog datuma i sata, bez obzira na način dostave.

Uz originalnu ponudu, ponuđači su dužni da dostave i kovertu sa kopijom ponude koja će se otvarati samo u slučajevima kada se bude zahtijevalo utvrđivanje vjerodostojnosti originalne ponude.

Original i kopija ponude moraju biti upakovane u zasebnim kovertama koje se zatim stavljaju u novu kovertu, odnosno iste moraju biti dostavljene u jednoj koverti.

7. JAVNO OTVARANJE PONUDA

Javno otvaranje ponuda obavit će se u Multimedijalnoj sali zgrade Kantona Sarajevo, **dana 24.03.2026. godine u 10:30 sati**, od strane Komisije koju je imenovao Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo.

Otvaranju ponuda mogu prisustvovati jedan ili više ovlaštenih predstavnika ponuđača uz predočenje ovlaštenja u pisanoj formi.

NAPOMENA: Ukoliko nema kopije dostavljene ponude, ponuda se neće otvarati niti razmatrati.

8. OSTALE ODREDBE

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo će u roku od najkasnije **15 (petnaest) dana** od zaključenja Javnog poziva donijeti odluku o izboru najpovoljnijih ponuđača po općinama u skladu sa predmetom Javnog poziva.

Protiv odluke o izboru najpovoljnijih ponuđača učesnici Javnog poziva mogu izjaviti žalbu Komisiji za obradu predmeta u drugostepenom upravnom rješavanju Vlade Kantona Sarajevo, putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo u roku od **15 (petnaest) dana** od dana prijema odluke o izboru najpovoljnijih ponuđača koja se žalbom pobija.

Ugovor o dodjeli prava korištenja stubova javne rasvjete za postavljanje reklamnih panoa na području Kantona Sarajevo za navedene općine zaključuje se na period od tri godine od dana obostarnog potpisivanja ugovora.

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo ne snosi nikakve troškove ponuđača u postupku javnog nadmetanja, u slučaju da se poništi "Javni poziv", ne izvrši izbor najpovoljnijeg ponuđača ili odbije sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima, niti je u obavezi objasniti razloge takve odluke.

NAPOMENA: Odabrani ponuđač iz predmeta ovoga Javnog poziva dužan je reklamne panoe na stubovima javne rasvjete nabaviti i postaviti o svom trošku, a prema Tehničkim uslovima za postavljanje oglasnih površina stubova javne rasvjete iz Elaborata "Reklamni panoi na stubovima javne rasvjete na području Kantona Sarajevo (Izmjene i dopune)" Septembar 2021. godine.

Odabrani ponuđač na području Općine Stari Grad Sarajevo i Općine Centar Sarajevo se obavezuju da u periodu održavanja Sarajevo film festivala, a u periodu trajanja ugovora, na području navedenih općina omoguće privremeno korištenje reklamnih površina za potrebe kantonalne promocije kulturno-turističke manifestacije Sarajevo film festival. Za navedeni period će se izvršiti umanjenje finansijskog potraživanja po ugovoru od strane Ministarstva prema drugoj ugovornoj strani, a detalji ove napomene će se regulisati u ugovorima.

Sažetak Javnog poziva će biti objavljen u jednom od dnevnih listova u BiH, a cjelokupan sadržaj javnog poziva će biti objavljen na web stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo.


MINISTAR
Mladen Pandurević

